

**20 MAI
RUGĂCIUNEA 1
SF.CNEAZ
DOVMONT-TIMOTEI DE LA PSKOV**

**Молитва благоверному князю
Довмонту-Тимофею Псковскому**

О, дивный во святых угодниче Божий, Святый благоверный княже Довмонте! Услыши нас, к тебе прибегающих и помощи твоя просящих. Вемы бо, яко сильна есть молитва твоя пред Богом, и велика есть твоя любовь к людем твоим. Сею молитвою во дни жития твоего дивныя творил еси чудеса храбрости, сею любовию твоею к людем вдохновлял еси шествовати за тобою, тебе во всем подражати, тебе, яко отца своего слушати и волю Господню всегда творити. Тако и ныне по смерти твоей не остави нас сирыми, без твоего отеческаго заступления, не отыми от нас любви твоя за наше нерадение к тебе, яко ко отцу нашему, Богом нам дарованному. Буди печальным - утешитель благий, беззащитным - щит и ограждение, беспомощным - помощь и заступление. Егда же врази наши видимые и невидимые начнут с нами брань свою, твоими

молитвами, якоже древле покровом своим град Псков, душу нашу огради, и наложи на них страх, да отпадут они от мыслей своих деяти нам злая. Препояши и нас, якоже мечем своим на отражение сих врагов, молитвою, постом и добрыми делами. Да преуспевающе в делании духовнем возблагодарим Господа Бога, давшего нам тя, молитвенника и заступника за нас, таковаго учителя нашего, и поклонимся Ему, живущему во вся веки. Аминь.